

არასამეწარმეო (არაკომერციული) იურიდიული პირის „გორის მუნიციპალიტეტის გაზეთი გორის მაცნეს“ წესდება

მუხლი 1. ზოგადი დებულებანი

1. არასამეწარმეო (არაკომერციული) იურიდიული პირი „გორის მუნიციპალიტეტის გაზეთი გორის მაცნე“ (შემდგომში არასამეწარმეო (არაკომერციული) იურიდიული პირი) მოქმედებს საქართველოს კონსტიტუციის, კანონმდებლობისა და წინამდებარე წესდების შესაბამისად.
2. არასამეწარმეო (არაკომერციული) იურიდიული პირის ორგანიზაციულ - სამართლებრივი ფორმაა არასამეწარმეო (არაკომერციული) იურიდიული პირი.
3. არასამეწარმეო (არაკომერციული) იურიდიული პირი თავისი მიზნებიდან გამომდინარე მოქმედებს საქართველოს მთელ ტერიტორიაზე, ასევე მის ფარგლებს გარეთ.
4. არასამეწარმეო (არაკომერციული) იურიდიული პირს აქვს ბეჭედი, შტამპი, ანგარიშწორებისა და სხვა სახის ანგარიშები სათანადო დაწესებულებებში.
5. არასამეწარმეო (არაკომერციული) იურიდიული პირი შექმნილია განუსაზღვრელი ვადით.
6. არასამეწარმეო (არაკომერციული) იურიდიული პირის სრული სახელწოდებაა არასამეწარმეო (არაკომერციული) იურიდიული პირი „გორის მუნიციპალიტეტის გაზეთი გორის მაცნე“.
7. არასამეწარმეო (არაკომერციული) იურიდიული პირის საკონტაქტო ელექტრონული ფოსტის მისამართია: Matsne@gori.gov.ge
8. არასამეწარმეო (არაკომერციული) იურიდიული პირის იურიდიული მისამართია საქართველო, ქალაქი გორი, სტალინის გამზ. №16.

მუხლი 2. არასამეწარმეო (არაკომერციული) იურიდიული პირის მიზნები და ამოცანები

1. არასამეწარმეო (არაკომერციული) იურიდიული პირის მიზნებია:
 - ა) მოსახლეობის ინფორმირება გორის მუნიციპალიტეტის მიერ გაწეული და მიმდინარე სამუშაოებზე;
 - ბ) გორის მუნიციპალიტეტის მიერ გატარებული აქტუალური ღონისძიებების გაშუქება;
 - გ) მოსახლეობაში არსებული აქტუალური პრობლემების გაშუქება;
 - დ) ადგილობრივი თვითმმართველობის მიერ მიღებული ადმინისტრაციულ სამართლებრივი აქტების გაზეთში განთავსება;
 - ე) სხვადასხვა სახის ღონისძიებების მოწყობა.



2. თავისი მიზნების განსახორციელებლად არასამეწარმეო (არაკომერციული) იურიდიული პირი კანონით დადგენილი წესით:

ა) ამყარებს პარტნიორულ ურთიერთობებს ადგილობრივ და უცხოურ ორგანიზაციებთან.

ბ) ფლობს, იძენს და განკარგავს ქონებას.

გ) შეიძლება იყოს მოსარჩელე და მოპასუხე სასამართლოში.

3. არასამეწარმეო (არაკომერციული) იურიდიული პირს შეუძლია განახორციელოს სამეწარმეო საქმიანობა, რაც არ იკრძალება საქართველოს კანონმდებლობით, ატარებს დამხმარე ხასიათს, საქმიანობიდან მოგება უნდა მოხმარდეს არასამეწარმეო (არაკომერციული) იურიდიული პირის მიზნების განხორციელებას.

მუხლი 3. არასამეწარმეო (არაკომერციული) იურიდიული პირის მმართველი ორგანოები

1. არასამეწარმეო (არაკომერციული) იურიდიული პირს ხელმძღვანელობს მენეჯერი რომელსაც ნიშნავს და ათავისუფლებს გორის მუნიციპალიტეტის მერი.

2. მენეჯერი:

ა) ხელმძღვანელობს და წარმართავს არასამეწარმეო (არაკომერციული) იურიდიული პირის საქმიანობას, საწესდებო მიზნების მისაღწევად;

ბ) ხელს აწერს არასამეწარმეო (არაკომერციული) იურიდიული პირის ოფიციალურ, მათ შორის ფინანსურ დოკუმენტებს;

გ) წარმოადგენს არასამეწარმეო (არაკომერციული) იურიდიულ პირს სხვა პირებთან ურთიერთობაში;

დ) ახორციელებს არასამეწარმეო (არაკომერციული) იურიდიული პირის ფინანსური სახსრებისა და სხვა მატერიალური ქონების ოპერატიულ მართვას და პასუხისმგებელია მათ სწორ გამოყენებაზე გორის მუნიციპალიტეტის მერის წინაშე.

ე) გორის მუნიციპალიტეტის მერთან შეთანხმებით ამტკიცებს არასამეწარმეო (არაკომერციული) იურიდიული პირის შინაგანაწესს და სხვა არასამეწარმეო (არაკომერციული) იურიდიული პირის მართვისათვის საჭირო დებულებებს, საშტატო ნუსხას.

ვ) სამუშაოზე იღებს და ათავისუფლებს არასამეწარმეო (არაკომერციული) იურიდიული პირის მომსახურე პერსონალს.

ზ) ასრულებს ამ წესდებით მასზე დაკისრებულ მოვალეობებს და კანონით აუკრძალავს სხვა ფუნქციებს.

3. მენეჯერი თავისი უფლებამოსილების შესასრულებლად გამოსცემს ბრძანებებს.

4. მენეჯერის არყოფნის შემთხვევაში, გორის მუნიციპალიტეტის მერთან შეთანხმებით, მენეჯერის დავალებით, მის უფლება-მოვალეობებს ახორციელებს არასამეწარმეო (არაკომერციული) იურიდიული პირის ერთ-ერთი თანამშრომელი.

5. მენეჯერის უფლებამოსილების ვადამდე შეწყვეტა მის მიერ წესდებით განსაზღვრული მიზნებისა და ამოცანების არაჯეროვანი და არასრულფასოვანი შესრულების, უფლებამოსილების გადამეტების ან არასამეწარმეო (არაკომერციული) იურიდიული პირის

მიმავალი
გაგ
860

საწესდებო მიზნებთან შეუსაბამო საქციელისათვის შეუძლია გორის მუნიციპალიტეტის მერს. ასეთ შემთხვევაში ერთი თვის ვადაში ინიშნება არასამეწარმეო (არაკომერციული) იურიდიული პირის ახალი მენეჯერი.

მუხლი 4. არასამეწარმეო (არაკომერციული) იურიდიული პირის ქონება

1. არასამეწარმეო (არაკომერციული) იურიდიული პირს შეიძლება საკუთრებაში ჰქონდეს შენობები, ნაგებობები, სატრანსპორტო საშუალებები, ფულადი აქციები და მოძრავი ქონება რაც ესაჭიროება არასამეწარმეო (არაკომერციული) იურიდიულ პირს თავისი საქმიანობის განსახორციელებლად;
2. არასამეწარმეო (არაკომერციული) იურიდიული პირის ქონება იქმნება სხვადასხვა შენატანების, პირთა შემოწირულობებისაგან, აგრეთვე კანონმდებლობით ნებადართული სხვა შემოსავლებიდან.

მუხლი 5. არასამეწარმეო (არაკომერციული) იურიდიული პირის საქმიანობის შეწყვეტა

1. არასამეწარმეო (არაკომერციული) იურიდიული პირის რეორგანიზაცია/ლიკვიდაცია და ლიკვიდაციის შედეგად დარჩენილი ქონების განაწილება ხდება საქართველოს კანონმდებლობით დადგენილი წესით;

მუხლი 6. არასამეწარმეო (არაკომერციული) იურიდიული პირის წესდებაში ცვლილებების შეტანის წესი

1. წესდებაში ცვლილებებისა და დამატებების შეტანა ხდება დამფუძნებლის მეშვეობით საქართველოს კანონმდებლობით დადგენილი წესით.

მუხლი 7. დასკვნითი დებულებები

1. წინამდებარე წესდება ძალაში შედის დამფუძნებლის მიერ წესდების დამტკიცების შესახებ ბრძანების ამოქმედების და საჯარო რეესტრის ეროვნულ სააგენტოში რეგისტრაციის დღიდან.
2. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.
3. ამ წესდებებსა და საქართველოს მოქმედ კანონმდებლობას შორის შეუსაბამობის შემთხვევაში მოქმედებს საქართველოს კანონმდებლობით განსაზღვრული ნორმები.

მუხლი 8. დამფუძნებელი

1. არასამეწარმეო (არაკომერციული) იურიდიული პირის დამფუძნებელია გორის მუნიციპალიტეტი ს/ნ 218086087

